



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 499 8° (LN 918 8° (A-trykket) copy 1)







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 499 8° (LN 918 8° (A-trykket) copy 1)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 499 8° (LN 918 8° (A-trykket) copy 1)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 499 8° (LN 918 8° (A-trykket) copy 1)



N<sup>o</sup> 499.




*N. H. H. H. H. H.*



*L. 499 8 A-tryk*

*ex. 1 M*







TE  
CA,  
*secunda*  
*pictata*  
p

V.

M.

DO

PR

EX



**THEMATA**  
**THEOLOGICA,** *QVÆ PVBLICE DIE*  
*secundo Iunij defendent tres viri,*  
*pietate, eruditione, & gravitate morum*  
*præstantes, Baccalaureatus gra-*  
*du in Theologia deco-*  
*randi.*

**I. Iohannes Thomas,** Pastor ad  
Diuam virginem.

**M. Erasmus Catholmius,** Diale-  
cticus Professor.

**D. Christophorus Knoff,** Concio-  
nator Regius.

**PRÆSIDENTE NICOLAO**  
*Hemmingio, Doctore Theo-*  
*logiæ.*



*Hafniæ,*  
**EXCVSA PER LAVREN-**  
*tium Benedictum.* *Jo. Gr.*  
1572.



THEOLOGICAL

OF THE

UNIVERSITY OF

OXFORD

PRINTED

BY

J. B. ROBERTS

1871

OXFORD

PRINTED

BY

J. B. ROBERTS

1871

OXFORD

PRINTED

BY

J. B. ROBERTS

1871

OXFORD

PRINTED

BY

J. B. ROBERTS

1871

OXFORD



verbum,  
eius verb  
est Deus  
proponit

DE

tur Cypr

visu claris

purior: nu

ideo sic

dum inest

Cum

diserte di

Deus no

mus pius

tantum e





1.



**C**UM PIETAS POS-  
tulat, ut de DEO quæ-  
ramus ex ipsius verbo, de  
Deo loquamur per eius  
verbum, de DEO cogitemus cum  
eius verbo: talis omnino credendus  
est Deus, qualis in verbo Dei nobis  
proponitur.

2.

DEVS enim (ut piè loqui-  
tur Cyprianus) videri non potest,  
visu clarior: nec comprehendi, tactu  
purior: nec æstimari, sensu maior:  
ideo sic Deum dignè æstimabimus,  
dum inæstimabilem dicimus.

3.

Cum igitur scriptura clarè &  
disertè dicit: Audi Israël, Iehouah  
Deus noster, Iehouah vnus est: ani-  
mus pius firmissimè statuit, vnum  
tantum esse substantiæ & naturæ

A 2

sim.



simplicitate verum & æternum  
Deum, à quo & omnia condita  
sunt, consistunt, & ipsius gloriæ  
destinantur. Est enim Deus & ἄριστος  
& ἀρχὴ & μεσότης & τέλος omnium  
rerum à se conditarum.

4.

Cum rursus eadem scriptura pa-  
trem æternum à filio æterno distin-  
guit, & Spiritum sanctum alium  
esse à patre & filio prædicat, & ta-  
men patrem Deum, similiter & fi-  
lium Deum, & Spiritum sanctum  
Deum esse fatetur: Pius verbo Dei  
credens, confitebitur patrem esse  
Deum, Filium esse Deum, Spiri-  
tum sanctum esse Deum, attamen  
non discedet à fide, qua statuet  
vnum solum Deum esse.

5.

Cum ergo vnum Deum audis,  
vnam naturam diuinam intellige:  
Cum

Cum au-  
lium esse  
esse De-  
finita &  
sistentes

Nat-  
verbum,  
inuicem  
numero  
ex eo no-  
Sunt eni-  
vnius &  
in qualib-  
pars diu-  
tia eaq-  
potest, ut  
mittat se

Cum  
simplex  
sui ubiq-



*Cum audis Patrem esse Deum, Fi-  
lium esse Deum, Spiritum sanctum  
esse Deum, tres personas in vna in-  
finita & simplicissima natura sub-  
sistentes adora.*

*6.*

*Nam tametsi tres sunt iuxta  
verbum, non separatæ quidem à se  
inuicem, sed suis proprietatibus &  
numero distinctæ personæ: tamen  
ex eo non sequitur tres esse Deos.  
Sunt enim hæ tres singulæ personæ,  
vnus & idem perfectus Deus. Quia  
in qualibet persona non est aliqua  
pars diuinæ essentiæ, sed tota essen-  
tia eaq; inseparabilis. Fieri enim non  
potest, vt infinitas simplicissima ad-  
mittat sectionem seu partitionem.*

*7.*

*Cum igitur Deus sit summè  
simplex & immutabilis, & cum  
sit vbiq;, non secundum partes, nec*

*A 3*

*suc.*



tit filii  
Filius n  
Spiritu  
& filio

Ha

Dei & t  
tium in  
ma diu  
verbo  
heretica  
sensum  
rium hoc

cremur  
qui plure  
sive quon  
verbum

Porro  
ti ad im-  
luntate  
eternis



tit filium, & Spiritum sanctum.  
Filius mittitur à patre, & fit homo.  
Spiritus sanctus mittitur à patre  
& filio, vt nos regeneret.

IO.

Hanc Catholicam fidem vnus  
Dei & trium personarum subsisten-  
tium in vna infinita & simplicissi-  
ma diuina natura, extractam ex  
verbo Dei infallibili, opponamus  
hæreticis omnium temporum, qui  
sensuum rationis suæ mensura myste-  
rium hoc metiri voluerunt, & exe-  
cremur Arrianos & Seruetianos,  
qui plures numero Deos nugantur,  
siue ὁμοιούσιους siue ἑτεροούσιους contra  
verbum Dei.

II.

Porro cum primi homines, condi-  
ti ad imaginem Dei, sua libera vo-  
luntate lapsi essent, & facti obnoxij  
æternis pœnis, propter suam trans-

A4

gressi-



gressione: edita est promissio re-  
parationis per semen mulieris, vt,  
videlicet, homines erigerentur per  
vnum hominem, quemadmodum per  
vnum hominem ceciderunt.

12.

Iusticia enim in Deo hoc requi-  
rebat, vt quemadmodum vnus ho-  
mo reliquos in peccati cœnum &  
mortem æternam peccati pœnam iu-  
stissimam coniecisset: ita vnus ho-  
mo satisfaceret pro reliquis, eosq; in  
vitam soluto *λύτῳ* reuocaret.

13.

Verùm quoniam infirmitas om-  
nium hominum, imò omnium crea-  
turarum, tanta fuit, vt nec bonum  
ablatum restituere, nec malum illa-  
tum auferre posset: placuit sapien-  
tiæ Dei filium mittere, idq; ex mera  
in suam creaturam misericordia, vt  
is homo factus, iusticiæ Dei satisfa-  
ceret,

ceret, &  
à peccat  
donaret  
dine.

N  
fuisse,  
sanam a  
fuisse  
dum ali

Vide  
tionis no  
quatuor  
perfecta  
ciam, su  
mam sap  
tiam, qu  
deficere  
tur. Pr  
Angeli  
æternit



ceret, & hominem potenter ereptum  
à peccato, morte, Diabolo, inferno,  
donaret æterna vita & beatitu-  
dine.

14.

Nisi enim Mediator Homo  
fuiſſet, non debuiffet ſuſtinere per-  
ſonam aliorum hominum: ſi non  
fuiſſet Deus, ſaluare ſeipſum, ne-  
dum alios, nequaquam potuiſſet.

15.

Videmus ergo in myſterio redēp-  
tionis noſtræ, mutuis auxilijs ſtare  
quatuor virtutes ſummis gradibus  
perfectas, videlicet, ſummam iuſti-  
ciam, ſummam miſericordiam, ſum-  
mam ſapientiam & ſummam poten-  
tiam, quarum ſi vna vel tantillum  
deficeret, Dei maiestas periclitare-  
tur. Propter has virtutes Deus ab  
Angelis & hominibus in omnem  
æternitatem celebrabitur, quemad-

A 5

modum



modum nato iam Christo significavit turba Angelica, cum caneret: Gloria in excelsis Deo, &c.

16.

Hic Mediator vnius Dei & hominum, Iesus Mariæ virginis filius, perfectus Deus vera diuinitate, perfectus homo vera humanitate, vna persona in duabus naturis subsistens, quæ naturæ etsi unitæ sunt in vniõnem personæ, tamen distinctæ manent, & inconfusæ in omnem æternitatem. Quare & retinent sua idiomata distincta & inconfusa, quæ promiscuè de personâ prædicantur, propter personæ vnitatem.

17.

Porro vt beneficium Mediatoris innotesceret mundo, & meritum ipsius applicaretur hominibus, ordinatum est diuinitus ministerium verbi

verbi  
fia, vt  
centur  
Sacra  
applica

Ver  
torum  
nisi pri  
illius  
muntur  
duo doct  
ponunt  
gelium  
cillantur

Lex  
rens par  
& spiri  
ni homi  
minem  
habet.



verbi & Sacramentorum in Eccle-  
sia, vt homines verbo Euangelij vo-  
centur ad agnitionem Christi, &  
Sacramentis de ipsius beneficijs sibi  
applicatis confirmentur.

18.

Verum quia magnitudo meri-  
torum Mediatoris non agnoscitur,  
nisi prius intelligatur, quanta mali  
illius moles sit, qua homines pre-  
muntur non liberati per Christum:  
duo doctrinae genera in Ecclesia pro-  
ponuntur, videlicet, Lex & Euan-  
gelium, cui Sacramenta veluti an-  
cillantur & seruiunt.

19.

Lex est doctrina diuina, requi-  
rens puram, perpetuam, perfectam  
& spiritualem obedientiam, ab om-  
ni homine, & damnans omnem ho-  
minem, qui hanc obedientiam non  
habet.

Cum



20.

Cum autem ad huius Legis normam examinentur conscientiae hominum, omnes coguntur agnoscere se reos & damnatos. Quia nemo à seipso hanc obedientiam habere potest.

21.

Cum in hunc modum hominis conscientia examinatur ad normam Legis, plurimae quaestiones nascuntur, videlicet, de peccato, de viribus humanis, de usu legis, cur data sit lex, cum ab homine præstari non possit, de legis abrogatione.

22.

Peccatum simplicissimè definitur à Iohanne esse ἀνομία, id est, quicquid vel est in nobis, vel fit à nobis non congruens ad normam legis. Quod in duo genera distinguitur, videlicet, originale & actuale. Hoc, volun-



luntarium aut inuoluntarium: Item,  
infirmittatis & malitiæ: Item, venia-  
ale & mortale. Hoc rursus, simpli-  
citer tale, & blasphemia in Spiri-  
tum sanctum, quæ est irremissibilis.

23.

Cum quæritur de viribus huma-  
nis, quatuor status hominum cogi-  
tandi sunt. Primus ante lapsum,  
Secundus sub peccato, Tertius sub  
gratia, Quartus vel in gloria, vel  
in ignominia.

24.

Ante lapsum primorum parentū,  
vires hominis fuere integræ, hoc est,  
iudiciū erat sanum, voluntas prom-  
ta, & facultas erat præstandi impe-  
rata: Adeo quod Adā, si perstitisset  
in integritate sua, potuisset cum sua  
posteritate Deo iuxta legem perfec-  
tam præstare obedientiam. Erat  
enim in Adam τὸ λογιστικόν. rectum,  
quo



quo quod optimum est in ordine bonorum querere & inuenire, erat in eo τὸ ἐπιθυμητικόν, quo in optimo acquiescere, erat in eo τὸ θυμοειδές, quo se opponere malo, hoc est, Diabolo & vitijs potuit. Verum quoniam τὸ ἐπιθυμητικόν, in quo est voluntas, fuit in Adam liberrimum, potuit animum ad vtrunq, hoc est, bonum & malum flectere, quemadmodum tristissimus euentus comprobatur.

25.

Sub statu peccati, etsi manent facultates animæ, quo ad substantiam attinet, tamen tanta corruptio, caligo & ἀταξία secuta est lapsum primorum parentum, vt in rebus spectantibus ad cultum diuinum, & salutem nostram, nec iudicium rectum sit, nec voluntas libera, nec facultas præstandi expedita.

Om



26.

Omnes enim homines à natiuitate immundi & rei naturæ vitio, quemadmodum scriptura clarissimè, & experientia apertissimè testantur: Rom: 1.2.3. Vt alia testimonia infinita præteream.

27.

Sub statu gratiæ, τὸ λογιστικὸν regitur verbo Dei, τὸ ἐπιθυμητικὸν cedit spiritui sancto, τὸ θυμοειδὲς irascitur spiritui maligno, aduersatur vitij, conatur partem tueri & retinere gratiam. Atq; hinc est, quod tametsi regenerati legem præstare non possunt, faciunt tamen multa, quæ Deo grata & accepta sunt.

28.

In statu gloriæ, perfectè regenerati animabus & corporibus simul, recuperabimus vires perfectas, puras & alacres, quibus in omnem æter-



æternitatem Deo perfectam præ-  
stabilimus obedientiam, Christo con-  
formes. In statu ignominie, qui erit  
damnatorum, nihil erit præter luc-  
tum & cruciatum sempiternum.

29.

Iam ad vsum Legis veniamus,  
qui est triplex, videlicet, externus,  
internus, & spiritualis, qui hoc  
pacto discernuntur.

30.

Externus vsus legis est, qui in  
hac vitæ societate ad externum ho-  
minem pertinet. Regit enim Lex  
mores externa disciplina, vt homi-  
nes tranquille viuere, & ad virtu-  
tem assuescieri possint.

31.

Internus vsus legis ad internum  
hominem, seu, ad conscientiam ho-  
minis pertinet. Sistit enim lex homi-  
nem coram tribunali Dei, accusat  
transo

trans  
Dei  
Dei  
vt ho  
dicun  
petat  
implor  
Breni  
giat  
stum

F  
de bon  
que n  
ctio,  
secun  
verbi  
tritu  
niter  
cedi  
conu  
nom



transgressionis, proponit iudicium  
Dei, inculcat sententiam iudicis  
Dei in peccatores, idq; in eum finem,  
vt homo agnito morbo quærat me-  
dicum, ratione debiti subducta ex-  
petat gratiam, monstrata ira DEI  
imploret eiusdem misericordiam.  
Breuiter, vt peccati sensu confu-  
giat ad propitiatorem Iesum Chri-  
stum.

32.

Hic vsus Legis operatur in cor-  
de hominis μεταμέλεια. Matth: 21.  
quæ nunc contritio, nunc compun-  
ctio, nunc pænitentia, nunc dolor  
secundum Deum dicitur. His enim  
verbis scriptura vtitur. Hanc con-  
tritionem ideo faciunt primam pæ-  
nitentiæ partem, quia proximè præ-  
cedit, tanquam παρασκευή salutarem  
conuersionē, quam scriptura μετάνοια  
nominat.

B

Spi-



33.

*Spiritualis vsus Legis pertinet  
ad hominem spiritualem, hoc est,  
ad hominem fide iustificatum, & re-  
natum per Spiritum sanctum. Huic  
enim Lex Dei certam viuendi nor-  
mam præscribit, eumq; veram colen-  
di Deum rationem docet.*

34.

*Nemo enim cultum Dei verum  
& spiritualem inchoare potest, nisi  
qui credat. Non enim satis est ma-  
teriam cultus tenere, sed causa effi-  
ciens, forma, finis requiruntur, quæ  
sine Euangelio nec intelliguntur,  
nec adesse possunt.*

35.

*Tametsi autem ne renati quidem  
possunt præstare legem, tamen eo-  
rum obedientia placet, quia personæ  
placent, vt quæ non sint amplius sub  
lege, sed sub gratia. Nam legem  
per-*

perfect  
sum, i  
tuit &

penda

erit re  
querit

præst  
sunt q

dixim  
cia. E

iure de  
do qui

bet in  
quale

integ  
vicio

Secu  
Deu

ta pr  
deat



perfectè implere, post hominis lapsum, in hac vita solus Christus potuit & fecit.

36.

Iam verò, si ea diligenter expendantur, quæ diximus, facilis erit responsio ad quæstionem, qua queritur, cur Lex, cum ab homine præstari non possit, data sit. Et pos- sunt quatuor causæ, ex ijs quæ modò diximus, assignari. Prima, Iusti- cia. Est enim iustum, exigere quod iure debetur, etiamsi non est soluen- do qui debet. Nunc autem homo de- bet iure Deo obedientiam perfectā, qualem præstare potuisset, si in sua integritate perstitisset, & non suo se vitio spoliasset præstandi facultate. Secunda, Misericordia. Dedit enim Deus legem, quam homo in hac vi- ta præstare non potest. Vt cum vi- deat homo, se debitum suum soluere

B 2

non



non posse, confugiat ad misericordi-  
am. Quemadmodum debitor ille fe-  
cit, Matth. 18. Tertia, Pædago-  
gia, ut pii habeant, quo quotidie  
contendant, ne quasi impleta lege  
Dei quærant cum hypocritis <sup>ἔδωκε</sup>  
<sup>δὲν ὁ κείας</sup> & superstitiones varias,  
atq; ita paulatim neglecta lege Dei,  
pendeant ex humanis decretis. Ideo  
DEVS iubet, ut in præceptis suis  
ambulemus, & non in præceptis pa-  
trum nostrorum. Quarta, Aspira-  
tio ad æternam vitam. Nam cum  
pii vident, se non posse præstare  
legi DEI perfectam obedientiam  
in hac vita, monentur propria infir-  
mitate, ut aspirent ad patriam, in  
qua erimus verè perfecti. Huius rei  
monemur etiam cum precamur: Fiat  
voluntas tua, sicut in Cælo, ita  
etiam in terra.

Po.

Po  
stio de  
gum i  
quam  
trinam  
quantu  
dentiur  
sandi  
quia  
nis Le  
ti. Ro  
  
E  
predi  
Euan  
Script  
onis p  
Ita en  
tum e  
pati e  
dicar



37.

Poterit quoque ex dictis solui quaestio de abrogatione Legis (Decalogum intelligo) videlicet, quod nunquam abrogetur, quantum ad doctrinam eius attinet. Sed solummodo quantum ad ius, idque respectu credentium tantum. Hos enim accusandi & damnandi ius non habet, quia sunt in Christo Iesu, qui est finis Legis, in iustitiam omni credenti. Roma: 10.

38.

Euangelium est vniuersalis praedicatio conuersionis (quae in Euangelistarum & Apostolorum Scriptis μετάνοια dicitur) & remissionis peccatorum in nomine Christi. Ita enim ipse Christus ait: Ita scriptum est, & ita oportuit Christum pati & resurgere à mortuis, & praedicari in nomine eius μετάνοια & remissio.

B 3

missio

Po.



missionem peccatorum omnibus  
gentibus.

39.

Tria ergo facit Euangelium.  
Primum monstrat Christum, eiusque  
beneficium docet esse remissionem  
peccatorum, cum qua coniuncta  
est iusticia, reconciliatio & ac-  
ceptatio ad vitam æternam, gratis  
propter Christum. Secundò osten-  
dit applicationis beneficij Christi  
modum, videlicet, quòd hæc remis-  
sio peccatorum (cum ijs quæ cum  
ea coniuncta sunt) offeratur, &  
conferatur per prædicationem Eu-  
angelij, ijs qui conuertuntur, hoc  
est, qui credunt promissioni Euan-  
gelij. Tertiò, Euangelium prædi-  
cat gratiam Christi vniuersalem  
esse, vt à qua nullus excludatur,  
modò credere Euangelio non re-  
cuset.

Con-

rit Eu  
cati E  
nitur  
prom  
Vt ha  
præca  
riò seq  
factu  
thon,  
nem p  
merat  
uerfion  
tionem  
dem, q  
obedien  
quens  
spectu  
rum,  
Chris  
ipsum



Conuersio autem, quam requirit Euangelium, fit per fidem prædicati Euangelij, quæ fides rectè definitur esse firma noticia & fiducia promissæ misericordiæ in Christo. Ut hanc conuersionem necessariò præcedit contritio, ita eam necessariò sequitur noua obedientia. Ex quo factum est, quòd Philippus Melanthon, sanctissima memoria apud omnem posteritatem dignissimus, numerat tres pœnitentiæ, hoc est, conuersionis partes, videlicet, Contritionem, quæ est pars antecedens: Fidem, quæ est pars formalis: Nouam obedientiam, quæ est pars consequens: & rectè partes dicuntur respectu finis cui destinantur, nimirum, ut Christo inseramur, & in Christo maneamus, & tandem per ipsum salutem consequamur.

B 4

Sum.

Con.



41.

Summam & finem bonorum ex merito Christi cum eiusdem applicatione, complectitur ipse Christus, hoc breui aphorismo. Quisquis crediderit, saluus erit.

42.

Et ne quis aliunde salutem expectet, addit hanc Antithesin. Qui verò non crediderit, condemnabitur. Quæ Antithesis duo peccatorum genera arguit. Vnum, eorum qui contemnunt medicum Christum cum suo remedio. Qui enim non credit in Filium, super eum manet ira Dei. Et quia medicum & saluatorem contemnunt, contemnunt etiam eum qui medicum misit, hoc est, patrem, cuius contemptus gratia, Spiritus sanctus cui noluerunt in prædicatione Euangelij cedere, arguit mundum de peccato, quòd non crediderunt

derunt  
postea  
maciat  
per are

eo con  
viam  
alia qu  
Christ

Re  
eorum  
libet bon  
doinxt  
nibus  
Mosis  
Laceda  
manos  
Mahon  
Quem e  
natio cl



derunt in filium. Alterum, omnium  
posterorum Adam, propter contu-  
maciam aduersus Deum, cui obtem-  
perare debuiſſent.

43.

Additur ergo hæc Antithesis  
eo consilio, vt sciamus non patere  
viam salutis vllis hominibus per  
alia quæuis media, nisi per fidem  
Christi.

44.

Refutat præterea hoc dictum  
eorum errorem, qui somniant, quem-  
libet hominem sua lege saluari, mo-  
dò iuxta eam inculpatè coram homi-  
nibus vixerit, hoc est, Iudæum lege  
Mosis: Christianos lege Christi:  
Lacedæmonios lege Lycurgi: Ro-  
manos lege Numæ: Turcas lege  
Mahometis saluari, & sic de alijs.  
Quem errorem hæc Domini commi-  
natio clarissimè refellit.

B 5

Pro-



45.

Proinde, hæc vox, qui non crediderit condemnabitur, non solum contemptus Euangelij comminatio est: verumetiam sententia legis est, primum latæ in Paradiso, postea in monte Sina repetitæ, quam conscientia peccatoris confirmat, & calamitates humanæ comprobant, quam in extremo die iustus iudex Iesus Christus pronuntiabit. Sub hac enim sententia damnatoria, omnes qui non sunt participes novi pacti de gratia & misericordia Dei in Christo, condemnati tenentur, propterea quòd & sint sub lege, & remedium gratuitum repudiârunt.

46.

Cæterum, quia magna est infirmitas fidei in sanctis, filius Dei commendat suæ Ecclesiæ, duo signa gratiæ, videlicet, Baptismum & Cænam

nam  
crane  
hæc si  
ga eo  
In  
gratiæ  
promis  
des,  
utent  
H  
gustina  
bum ad  
mentur  
institue  
rentis fi  
mentum  
gratiæ  
mentem  
deuten  
stior fia



nam Domini, quæ in Ecclesia Sa-  
cramenta dicuntur. Testantur enim  
hæc signa gratiæ de favore Dei er-  
ga eos, qui illis rite utuntur.

47.

In his Sacramentis, seu, signis  
gratiæ, concurrunt, verbum, res  
promissa, signum externum, & fi-  
des, sine qua Sacramenta cedunt  
utentibus in iudicium.

48.

Hæc omnia complectitur Au-  
gustinus, cum ait: Accedat ver-  
bum ad Elementum, & fit Sacra-  
mentum. Verbum intelligit Dei  
instituentis, promittentis & requi-  
rentis fidem promissionis. Et Ele-  
mentum, id est, externum signum  
gratiæ, in sensus incurrens, quo  
mentem excitet, & gratiam in cor-  
de utentis obsignet, quo fides robu-  
stior fiat.

Bap-



49.

Baptismus , primum signum gratiae in nouo Testamento , est Sacramentum quo Deus testatur se poenitentibus, id est, conuertentibus se per fidem, remittere peccata. Quem admodum ex verbis Marcj promtum est intelligere, qui ait: Fuit in deserto Iohannes baptizans & praedicans baptismum poenitentiae in remissionem peccatorum, hoc est, docebat baptismum esse testimonium & obsignaculum Dei, quod remittat poenitentibus peccata.

50.

Analogia signi ad rem signatam haec est. Vt aqua abluitur corpus ab externis sordibus, ita conscientia hominis sanguine Christi purgatur à mortuis operibus: Et, ut aqua est causa generationis in natura, ita Spiritus Sanctus est per quem

quem  
ui boni  
compa  
stj, &  
Cae  
gratie  
crament  
pro nob  
si pro m  
torum, a  
pro pecc  
commena  
petua re  
suum co  
sanguine  
tiononi f  
sione pe  
Christi,  
lationis  
Christo, c  
Verè in C



quem regeneramur & nascimur no-  
ui homines. Ita aqua baptismi habet  
comparationē & ad sanguinē Chri-  
sti, & ad Spiritum regenerationis.

51.

Cæna Domini, alterum signum  
gratiæ in nouo Testamento, est Sa-  
cramentum corporis Christi traditi  
pro nobis, & sanguinis eiusdem effu-  
si pro multis in remissionem pecca-  
torum, ab ipso Christo iam morituro  
pro peccatis nostris, institutum &  
commendatum Ecclesiæ, vt sit per-  
petua recordatio Christi tradentis  
suum corpus & effundentis suum  
sanguinem pro nobis, vt sit obsigna-  
tio noui fœderis de gratia & remis-  
sione peccatorum propter merita  
Christi, vtq; sit testimonium copu-  
lationis nostræ, cum capite nostro  
Christo, cuius corpore & sanguine  
verè in Cæna nascimur.

Quid,



52.

*Quid, quæso, dulcius cogitari  
potest, quàm hanc Cœnam esse testi-  
monium Dei, quòd fidelis anima fir-  
missimo fœdere iungatur capiti suo  
Christo, quòd verè pascatur pane  
vitæ, qui est Iesus Christus, quòd  
Deus remittat omnibus credentibus  
peccata, & eos recipiat in gratiam  
propter merita Christi.*

53.

*Hanc dulcissimam consolatio-  
nem, ne sinamus obrui inanibus spe-  
culationibus, & futilibus disputa-  
tionibus de præsentia modo. Satis  
enim est nobis, tenere firmam & im-  
motam esse promissionem Christi,  
qua promittit suum corpus & sang-  
uinem, etiamsi præsentia modum  
non possumus mensura nostrorum  
sensuum capere. Sciamus Sacramen-  
ta Ecclesie ideò mysteria dici, quòd  
non*

non sin-  
tionibus  
propina-  
nem cœ-  
Dei rat-  
dere.

Post  
ta sequi  
ceremon-  
ex Deca-  
nium. C  
modò can-  
obtrudan

Hoc  
indicam  
pro hum-  
versitas  
nati



non sint subiecta physicis demonstra-  
tionibus. Facilius longè est, digito  
profunditatem maris & altitudi-  
nem cœli mensurare, quàm mysteria  
Dei rationis argutis comprehen-  
dere.

54.

Post doctrinam & Sacramen-  
ta sequuntur externa disciplina &  
ceremoniæ. Disciplina concluditur  
ex Decalogo, & ex potestate cla-  
uium. Ceremoniæ sunt liberiores,  
modò caueatur, ne sint ἄσχητοι, aut  
obtrudantur pro cultu.

55.

Hoc fundamento saluo, piorum  
iudicamus esse, non morosè litigare  
pro humanis Ceremonijs. Nam di-  
uersitas ceremoniarum in diuersis  
nationibus, Christianæ li-  
bertatis testimoni-  
um est.







